

Euisse lieb Papi isch nach emene lange und zfridene Läbe gschorbe.

Fred Roth

4. März 1927 bis 9. Juni 2026

Ihm isches immer sehr wichtig gsi, sälschtändig und sälschtbeschtimmt durs Läbe zgha. Leider hät er sich vo sim letschte Schturz nüme erholt und hät somit sini Sälschtändigkeit verlore.

Sin grosse Wunsch isch es gsi, wieder hei zchöne und das hät s'Spital Männedorf mit einigem Ufward ermöglicht. Mir möchtet Euis ganz herzlich bi allne Pflegechraft vom Spital bedanke, dass sie ihn so lieb umsorgt händ, obwohl das mit sinere Sturheit au nöd immer ganz einfach gsi isch. Dur die liebevollig Pfläg dihei dur d'SeeSpitex Erlenbach hät er sini letschte Täg i sinere gliebte Wohnig chöne verbringe. Au bi all ihne tüend mir euis ganz herzlich bedanke. Es isch für euis ä grossi Beruhigig gsi, ihn i so guete und liebe Händ zwüsse.

Es isch sehr trurig gsi, ihn so hilflos müesse zgseh und mir sind sehr dankbar, dass er dänn doch so schnäll hät chöne schterbe.

Liebe Papi, mir tüend euis gern a die zahlriche schöne und luschtige Momänt mit Dir erinnere und stossed dänn all miteme Gin Tonic uf Dich a.

Esther Hornstein
Alexander Hornstein und Denise Gonçalves
Julia Hornstein und Jack Brügger
Verena, Fredi und Lea Koller
Barbara Roth

Mir händ euisse Papi uf sin Wunsch kremiere la und werdet sini Äsche zumene schpötere Zitpunkt im Familiechreis a sim gwünschte Ort verschtreue.

Truradrässe: Esther Hornstein, Seestrasse 143a, 8800 Thalwil